

Memoria xustificativa e económica do convenio de colaboración entre Augas de Galicia e o Concello de Valga para a mellora dos servizos de abastecemento e saneamento da Avenida da Coruña no Concello de Valga

1. Antecedentes

O Concello de Valga ten atribuídas competencias en materia de saneamento e abastecemento de auga potable, en base á Lei 7/1985, do 2 de abril, reguladora das Bases do Réxime Local, que nos seus artigos 25.2 c), 26.1 a) e 86.2, configura o saneamento e a depuración de augas residuais como un servizo de competencia local, nos termos establecidos pola lexislación da Comunidade Autónoma.

Neste senso, o artigo 80.2 l) da Lei 5/1997, do 22 de xullo, reguladora da Administración local de Galicia, sinala como competencia atribuída ás entidades locais o tratamento de augas residuais, delimitando a Lei 9/2010, do 4 de novembro, de augas de Galicia o reparto competencial neste eido, resultando competencia das entidades locais, en materia de execución de obras, as que teñan por obxecto a rede de sumidoiros (artigo 5.1 b)), redes de distribución (artigo 27.2 c)), a execución de calquera obra no eido do saneamento e/ou a depuración que non teña sido declarada de interese público por algún dos medios do artigo 28 da Lei 9/2010, do 4 de novembro, de augas de Galicia (artigos 27.2 a)) en relación co artigo 5.1 c)).

Ademais, en materia de prestación do servizo, se atribúe competencia ás entidades locais para a prestación do servizo respecto de instalacións non comprendidas no artigo 32 da Lei 9/2010, do 4 de novembro, de augas de Galicia, respecto daquelas instalacións das que non se solicite a súa asunción do servizo pola Xunta de Galicia de acordo co establecido na disposición transitoria quinta, así como a prestación do servizo de saneamento (artigo 5.1.c)).

Asemade, os artigos 5.1 a) e 27.1 da citada lei de augas de Galicia, establecen como competencia das entidades locais o servizo de abastecemento domiciliario de auga potable



e o seu control sanitario. Ademais, o artigo 27.2 establece a competencia das entidades locais en materia de elaboración e aprobación de proxectos de obras e execución de infraestruturas cando se trate de obras da súa competencia así como a explotación dos servizos da súa competencia.

A entidade pública Augas de Galicia, creada pola Lei 9/2010, do 4 de novembro, de augas de Galicia e regulada polo Decreto 32/2012, do 12 de xaneiro, polo que se aproba o seu estatuto é unha entidade pública empresarial do sector público autonómico de Galicia, adscrita á Consellería de Medio Ambiente e Cambio Climático, con personalidade xurídica propia e plena capacidade de obrar para o cumprimento dos seus fins, e constitúe o medio, xunto co resto de órganos que integran a Administración hidráulica de Galicia, a través do cal a Comunidade Autónoma de Galicia exerce as súas competencias en materia de augas e obras hidráulicas.

2. Obxectivos que se pretenden

O obxecto deste convenio é establecer as condicións básicas para a colaboración entre Augas de Galicia e o Concello de Valga que permitan ao concello acometer e incorporar ao patrimonio público municipal as obras necesarias para a mellora dos servizos de abastecemento e saneamento da Avenida da Coruña do Concello de Valga.

3. Necesidade da colaboración, razóns de oportunidade e xustificación da non concorrencia

O Concello de Valga precisa renovar determinados servizos urbanos existentes na marxe dereita da estrada nacional N-550 ao seu paso polo Concello, na Avenida da Coruña, debido ao mal estado no que se atopan que provocan avarías constantes e un mal funcionamento. Así coas actuacións obxecto do convenio preténdese mellorar os servizos de abastecemento e saneamento da Avenida da Coruña no Concello, renovando a rede de abastecemento que se atopa en mal estado con continuas avarías e a rede de augas



pluviais existente que presenta danos en toda a súa lonxitude, co obxecto de acadar un adecuado funcionamento das mesmas.

A actuación da Comunidade Autónoma de Galicia e das entidades locais no ámbito do saneamento ten por finalidade contribuír á execución do bo estado ecolóxico das augas e dos ecosistemas asociados mediante o cumprimento dos obxectivos establecidos na lexislación aplicable, fomentándose a reutilización das augas depuradas cando isto sexa viable. Por outra banda a actuación da Comunidade Autónoma de Galicia e das entidades locais no ámbito do abastecemento terá por finalidade a garantía de subministración de auga en calidade e cantidade axeitada aos núcleos de poboación legalmente constituídos, nos termos establecidos na planificación.

Para a consecución destes e dos restantes fins e obxectivos establecidos en materia de abastecemento e de saneamento, a Lei 9/2010, do 4 de novembro, de augas de Galicia, establece un mandato de colaboración entre as entidades locais, que ostentan competencias na materia, e a Comunidade Autónoma de Galicia. A natureza da colaboración pode ser técnica e/ou financeira e articularse a través de diversos mecanismos como son, a participación de Augas de Galicia na construción e explotación de obras que sexan competencia das entidades locais galegas (artigo 11.3 d), e a regulación e ou outorgamento de auxilios económicos ás entidades locais en materias da súa competencia (artigo 26.3).

Polo exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, de 8 de novembro, de contratos do sector público, de acordo co establecido no artigo 6 da antedita lei. Asemade, en consideración a razóns de interese xeral e dadas as circunstancias concorrentes, xustifícase plenamente a adxudicación directa da axuda prevista no convenio. Todo o que se fai constar para os efectos do previsto nos artigos 19.4 c) e 26.2 a) da Lei 9/2007, do 13 de xuño, reguladora das subvencións de Galicia

O artigo 57 da Lei de bases do réxime local, e o 194 da Lei da Administración local de Galicia determinan que a cooperación económica, técnica e administrativa entre a Administración Local e as Administracións do Estado e das Comunidades Autónomas, tanto



en servizos locais como en asuntos de interese común, desenvolverase con carácter voluntario, baixo as formas e nos termos previstos nas leis, podendo ter lugar, en todo caso, mediante os convenios administrativos que subscriban.

4. Estimación de custos e financiamento

O custo total das actuacións contempladas neste convenio ascende a catrocentos sesenta e catro mil douscentos corenta e oito euros con cincuenta céntimos (464.248,50 €). Augas de Galicia financiará os gastos relativos a mellora dos servizos de abastecemento e saneamento da Avenida da Coruña do Concello de Valga do proxecto denominado "Renovación dos servizos urbanos na estrada nacional N-550 (Avenida da Coruña) entre os P.K. 86+500 e P.K. 87+100 marxe dereita no Concello de Valga", que ascenden a trescentos dezaioito mil douscentos vinte e tres euros con cincuenta céntimos (318.223,50 €). E o Concello de Valga achegará o importe restante, que acende a cento corenta e seis mil vinte e cinco euros (146.025,00 €).

Augas de Galicia financiará a súa achega con cargo á conta 6566 "Subvencións de capital. A corporacións locais" do Plan Xeral de Contabilidade Pública de Galicia, coa seguinte distribución de anualidades:

Tipoloxía de gasto	2024	2025	Total
Gastos de persoal			
Subministros e servizos			
Outros: custo obra	100.000,00 €	218.223,50 €	318.223,50 €
Total (€)	100.000,00 €	218.223,50 €	318.223,50 €

5. Vinculación co Plan estratéxico de Galicia

As actuacións son coherentes co Plan estratéxico de Galicia 2022-2030, aprobado polo Consello da Xunta de Galicia o 10 de marzo de 2022, ao que se vinculan da seguinte forma:

1. Eixo: E2: Galicia verde e sostible



2. Prioridade actuación: PA.2.4 Impulsar un modelo de crecemento sostible que aproveite as potencialidades do medio, dando prioridade á xestión eficiente do ciclo da auga, á economía circular e a protección do patrimonio natural.

3. Obxectivo estratéxico: OE 2.4.2 Aumento da resiliencia dos sistemas de abastecemento para garantir aos cidadáns un acceso ao servizo básico de abastecemento, diminuindo as diferenzas territoriais existentes. Mellorar as infraestruturas implicadas en todo o proceso de extracción e distribución, evitando fugas e despilfarros innecesarios, potenciando a eficiencia dos sistemas. Consegur unha estrutura tarifaria que respecte o principio de recuperación de custes da Directiva Marco da Auga.

4. Obxectivo operativo: OO03-Contribuír técnica e economicamente para garantir un acceso aos servizos básicos de abastecemento dos cidadáns de Galicia, diminuindo os desequilibrios territoriais existentes e buscando unha maior eficacia e eficiencia na execución dos investimentos e na explotación de infraestruturas hidráulicas.

5. Indicadores: PO0153.Actuacións de abastecemento e saneamento e depuración

6. Unidades de medición: grao de execución estimado no exercicio corrente: 100%

Plan Estratéxico	Planificación de Fondos Europeos	Actividade	Indicador	Fito
OE 2.4.2 Aumento da resiliencia dos sistemas de abastecemento para garantir aos cidadáns un acceso ao servizo básico de abastecemento, diminuindo as diferenzas territoriais existentes. Mellorar as infraestruturas implicadas en todo o proceso de extracción e distribución, evitando fugas e despilfarros innecesarios, potenciando a eficiencia dos sistemas. Consegur unha estrutura tarifaria que respecte o principio de recuperación de custes da Directiva Marco da Auga.	FONDOS PROPIOS	Mellora dos servizos de abastecemento e saneamento da Avenida da Coruña do Concello de Valga, a súa explotación e a súa conservación e mantemento.	PO0153. Actuacións de abastecemento e saneamento e depuración	

6. Territorialización do gasto:

Concello: Valga



7. Contribución ós ODS.

DENOMINACION ODS	OBXECTIVO ESPECIFICO	Denominación obxectivo específico
ODS 6. Garantir a dispoñibilidade e a xestión sustentable da auga e o saneamento para todos	6.4	De aquí a 2030, aumentar considerablemente o uso eficiente dos recursos hídricos en todos os sectores e asegurar a sustentabilidade da extracción e o abastecemento de auga doce para facer fronte á escaseza de auga e reducir considerablemente o número de persoas que sofren falta de auga

Para a tramitación deste convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela, na data da sinatura electrónica

O director de Augas de Galicia

Roi Fernández Añón

